

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 31.01.2018թ. թիվ 1807541640 որոշումն անփոփոխ, իսկ վարչական բողոքն առանց բավարարման թողնելու մասին

<< 23 > 02 2018թ. 17-4-14739-18/174-2703

ք.Երևան

«Ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արթուր Բաբայանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Րաֆֆու փողոցի 93 շենքի 11 բնակարանի բնակիչ Արթուր Բաբայանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 31.01.2018թ. թիվ 1807541640 որոշումը՝ նշելով, որ կանգառը կատարվել է տրանսպորտային միջոցի անսարքության պատճառով:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին վերը նշված որոշումն օրինական է և հիմնավոր հետևյալ պատճառաբանությամբ.

Ճանապարհային ոստիկանության 31.01.2018թ. թիվ 1807541640 որոշման հիմքում դրված տեսանյութում տրանսպորտային միջոցի անսարքությունը փաստող որևէ դրվագ չկա: Տեսանյութը փաստում է, որ կատարվել է «Կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 22-րդ կետի 2-րդ ենթակետի պահանջը՝ «<Վթարային լուսային ազդանշանը>> պետք է միացված լինի կանգառն արգելված տեղերում հարկադրված կանգառի դեպքում, սակայն չի կատարվել 23-րդ կետի պահանջը՝ **չի տեղադրվել <<Վթարային կանգառ>> ճանաչման նշանը**, հետևաբար վերջինիս պնդումն արժանահավատ համարել հնարավոր չէ:

Այսպիսով՝ ակնհայտ է դիմումատուի կողմից ճանապարհային երթևեկության կանոնների խախտում թույլ տալու փաստը, որի համար «<Վարչական իրավախախտումների վերաբերյալ>> «Օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ «Օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 31.01.2018թ. թիվ 1807541640 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել «Վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արթուր Բաբայանին և ՃՈՍՎՀԽԱ կենտրոն:



Ե.Կարապետյան